

Broj: UP1-03-19-2-331/23
Sarajevo, 10.7.2024. godine

Federalno ministarstvo prostornog uređenja, nadležno na osnovu člana 66. Zakona o prostornom planiranju i korištenju zemljišta na nivou Federacije BiH ("Službene novine Federacije BiH", br. 2/06, 72/07, 32/08, 4/10, 13/10, 45/10, 85/21 i 92/21), člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), te na osnovu zahtjeva investitora J.P. „EKO-SEP“ d.o.o. Živinice za tehnički pregled izvedenih radova na izgradnji regionalne deponije komunalnog otpada za općine Banovići i Kladanj i Grad Živinice, na području Grada Živinice, a u svrhu izdavanja odobrenja za upotrebu, d o n o s i

RJEŠENJE

1. Izdaje se investitoru J.P. „EKO-SEP“ d.o.o. Živinice ODOBRENJE ZA UPOTREBU za izvedene radove na izgradnji deponije komunalnog otpada za općine Banovići i Kladanj i Grad Živinice (faza 1), na zemljištu označenom kao k.č. br. 637/2, 643/11 i 643/12 K.O. Odorovići po novom premjeru, što po starom premjeru odgovara k.č. br. 340/8, 340/27 i 340/28 K.O. Odorovići, na području Grada Živinice, a sve prema ovjerenoj tehničkoj dokumentaciji i rješenju kojim je dato odobrenje za građenje broj: UPI/03-23-2-258/16 od 26.1.2017. godine, broj: UPI/03-23-2-258-1/16 od 19.2.2018. godine (produženje važenja odobrenja za građenje), broj: UPI/03-23-2-258-2/16 od 1.7.2019. godine, broj: UPI/03-23-2-258-3/16 od 23.12.2021. godine i broj: UPI/03-23-2-258-4/16 od 7.9.2022. godine (izmjene i dopune odobrenja za građenje).

2. Nalazi stanja i kvalitete izvedenih radova iz tačke 1. dispozitiva rješenja dati su u izvještajima o izvršenom tehničkom pregledu građevine i kontrolnom tehničkom pregledu građevine, sačinjenom od strane komisije za tehnički pregled, koji čini sastavni dio ovog rješenja.

3. Upotrebu i održavanje građevine investitor je dužan vršiti u skladu sa njenom namjenom, a shodno odredbama člana 77a. Zakona o prostornom planiranju i korištenju zemljišta na nivou Federacije BiH ("Službene novine Federacije BiH", br. 2/06, 72/07, 32/08, 4/10, 13/10, 45/10, 85/21 i 92/21).

Obrazloženje

Investitor J.P. „EKO-SEP“ d.o.o. Živinice, sa sjedištem u ul. Oslobođenja bb, Kompleks Islamski centar u Živinicama, podnio je ovom Federalnom ministarstvu, dana 15.3.2023. godine, zahtjev za tehnički pregled građevine i donošenje odobrenja za upotrebu za izvedene radove na izgradnji regionalne deponije komunalnog otpada za općine Banovići i Kladanj i Grad Živinice, na zemljištu označenom kao k.č. br. 637/2, 643/11 i 643/12 K.O. Odorovići po novom premjeru, što po starom premjeru odgovara k.č. br. 340/8, 340/27 i 340/28 K.O. Odorovići, na području općine Živinice.

Uz zahtjev investitor je dostavio sve priloge utvrđene odredbama člana 67. Zakona o prostornom planiranju i korištenju zemljišta na nivou Federacije BiH ("Službene novine Federacije BiH", br. 2/06, 72/07, 32/08, 4/10, 13/10, 45/10, 85/21 i 92/21).

Ovo federalno ministarstvo je rješenjem broj: UP1-03-19-2-331/23 od 26.4.2023. godine imenovalo Komisiju za tehnički pregled izvedenih radova.

Na osnovu čl. 68. i 69. Zakona o prostornom planiranju i korištenju zemljišta na nivou Federacije BiH, Komisija za tehnički pregled izvršila je pregled tehničke dokumentacije i izvedenih radova i predala pojedinačna izvještaje članova, kao i zajednički izvještaj o izvršenom tehničkom pregledu, u čijem se zaključku navodi da se sa aspekta hidrotehničkog dijela, elektroinstalacija, mašinskih instalacija, zaštite od požara i eksplozije, zaštite na radu i zaštite okoliša, daje uslovan stav za izdavanje upotrebne dozvole, odnosno da je potrebno da investitor otkloni utvrđene nedostatke, pa se predlaže Federalnom ministarstvu prostornog uređenja da investitoru ostavi odgovarajući zakonski rok za njihovo otklanjanje. U zaključku se navodi i da se za ostale tehničke oblasti koje su bile predmet tehničkog pregleda daje pozitivno mišljenje za izdavanje rješenja o upotrebi građevine.

Razmatrajući izvještaj i zapisnik Komisije o tehničkom pregledu koji se odnose na izgradnju predmetne građevine, Federalno ministarstvo prostornog uređenja postupilo je u skladu sa odredbama člana 70. Zakona o prostornom planiranju i korištenju zemljišta na nivou Federacije Bosne i Hercegovine i člana 7. Pravilnika o tehničkom pregledu građevine («Službene novine Federacije BiH», br. 58/14, 89/18, 44/20 i 42/21), te donijelo zaključak broj: UP1-03-19-2-331/23 od 17.8.2023. godine, kojim je utvrđen rok od 90 dana za otklanjanje nedostataka iz izvještaja Komisije za tehnički pregled.

Investitor je dana 28.11.2023. godine obavijestio ovo Federalno ministarstvo da je otklonio navedene nedostatke, te je rješenjem broj: UP1-03-19-2-331/23 od 15.12.2023. godine imenovana Komisija za kontrolni tehnički pregled izvedenih radova.

Komisija je obavila kontrolni tehnički pregled, te dana 21.6.2024. godine dostavila izvještaj sa zaključkom da se za sve tehničke oblasti koje su bile predmet ovog tehničkog pregleda daje se pozitivno mišljenje za izdavanje rješenja o upotrebi regionalne deponije komunalnog otpada za općine Banovići, Kadanj i grad Živinice, na zemljištu označenom po novom premjeru kao k.č. 637/2, 643/11 i 643/12 K.O. Odorovići, što po starom premjeru odgovara parcelama označenim kao k.č. 340/8, 340/27 i 340/28 K.O. Odorovići, na području općine Živinice, a u skladu sa Glavnim projektom - izmjena i dopuna glavnog projekta regionlane sanitarne deponije Separacija I - faza 1.

Razmatrajući izvještaj Komisije o tehničkom pregledu predmetne građevine, kao i Komisije za kontrolni tehnički pregled građevine, Federalno ministarstvo prostornog uređenja utvrdilo je da se može donijeti rješenje kao u dispozitivu.

Pouka o pravnom lijeku: Ovo rješenje je konačno i protiv njega nije dopuštena žalba. Protiv ovog rješenja može se pokrenuti upravni spor kod Kantonalnog suda u Sarajevu u roku od 30 dana od dana prijema rješenja.

U skladu sa Zakonom o federalnim upravnim taksama i Tarifi federalnih upravnih taksi ("Službene novine Federacije BiH", broj 6/98, 8/00 i 43/13), tačka 1. tarifni broj 55a, uplaćeno je 50,00 KM na ime izdavanja rješenja - odobrenja za upotrebu.



Dostaviti:

1. Investitoru: J.P. „EKO-SEP“ d.o.o. Živinice, ul. Oslobođenja bb, Komplex Islamski centar,
2. Federalna uprava za inspekcijske poslove, urbanističko-ekološka inspekcija,
3. Arhivi.